

STATUT SD9 ORGANIZACIJE

I OPĆE ODREDBE

Član 1

Statutom SD9 organizacije utvrđuje se unutrašnja organizacija; uvjeti za učlanjivanje i prestanak članstva; kao i prava, obaveze i odgovornosti članova/ica; organi i njihova prava, obaveze i odgovornosti; zastupanje i predstavljanje; način sticanja sredstava; način donošenja odluka.

Član 2

SD9 je organizacija koju čini sedam političkih podmladaka socijaldemokratske orijentacije sa prostora bivše Jugoslavije:

- Mladi forum Socialnih Demokratov (MF SD) - Slovenija
- Forum mladih Socijaldemokratske partije Bosne i Hercegovine (FOM SDP BiH) Bosna i Hercegovina ,
- Forum mladih Socijaldemokratske partije Hrvatske (FM SDP) - Hrvatska,
- Socijaldemokratska omladina u Socijaldemokratskoj uniji (SDO u SDU) -Srbija,
- Socijaldemokratska mladina na Makedonija (SDMM) - Makedonija,
- Omladina Lige socijaldemokrata Vojvodine (LSVO) -Srbija,
- Socijaldemokratska omladina Crne Gore (SDO CG) – Crna Gora

Član 3

Polazeći od Programa SD9 organizacije osnovni ciljevi i zadaci SD9 organizacije su:

- uspostavljanje i primjena temeljnih socijaldemokratskih vrijednosti. Jednakost, solidarnost, ravnopravnost, socijalna pravda i internacionalizam su vrijednosti socijademokratije, koje prave distancu od svega što je povezano sa stavljanjem pripadnika i pripadnica jedne nacije ili bilo koje druge grupe ispred drugih, a SD9 upravo to vidi kao najznačajniji temelj sistema vrijednosti koji bi trebalo da postane dominantan u našim društvima.
- jačanje regionalne saradnje, odnosno promovisanje njene važnosti za sve zemlje nastale na području bivše Jugolasvije. SD9 smatra da je upravo saradnja građana i građanki ovih zemalja, a prije svega mladih ljudi, ono što može donijeti viši životni standard, ali i da samo kroz dijalog, razumjevanje i zajednički trud možemo biti snažni i uspješniji.
- povećanje participacije mladih u političkom i javom životu uopšte, a posebno u procesu donošenja odluka. Mladi moraju učestvovati u kreiranju sopstvenog života, jer je to jedini način da se doprinese njihovoj društvenoj integraciji, ali i suočavanju sa izazovima savremenog društva, čiji će budući lideri/liderke biti.

- promovisanje važnosti stalne borbe protiv fašizma, nacionalizma, rasizma, šovinizma i bilo kog oblika diskriminacije. Mladi ljudi kao nosioci promjena imaju ogromnu odgovornost da aktivno doprinesu stvaranju društva jednakosti i slobode, oslobođenog isključivosti i diskriminacije po bilo kom osnovu.

II ČLANSTVO

Član 4

Članicom SD9 organizacije može postati politički podmladak koji je socijaldemokratske orijentacije, koji dolazi sa prostora bivše Jugoslavije i koji u potpunosti prihvata Statut SD9, Program SD9, iskazujući pismenom izjavom spremnost da ispunji sve obaveze utvrđene Statutom SD9 i Programom SD9.

Član 5

Organizacija koja želi da postane članica SD9 mora:

- podnijeti formalnu aplikaciju u formi koju propiše Stalni odbor
- imati pismenu podršku dvije punopravne članice SD9 organizacije iz dvije različite države sa prostora bivše Jugoslavije
- potpisati pismenu izjavu kojom potvrđuje da prihvata Statut SD9, Program SD9.

Član 6

Nakon ispunjavanja uslova iz člana 5 ovog Statuta, organizacija koja želi da poslane članica SD9 dobija status kandidata, nakon čega će u roku od 6 mjeseci predstavnice SD9 organizacije otići u studijsku posjetu kod organizacije koja ima status kandidata. Odluku o prijemu u članstvo donosi Kongres, na temelju dokumentacije tj. ispunjavanja člana 5 i na temelju zaključaka studijske posjete.

Član 7

Članica SD9 organizacije ima prava i obaveze:

- da se pridržava Statuta SD9, Programa SD9,
- da se zalaže i aktivno radi na ostvarivanju programskih ciljeva;
- da svojim djelovanjem i ponašanjem čuva i jača ugled SD9 organizacije;
- da se zalaže za unapređenje međusobnih dnosa;
- da inicira i učestvuje u aktivnostima SD9 organizacije;
- da bude informisana o svim pitanjima i aktivnostima SD9 organizacije;
- da javno iskazuje svoje mišljenje o svim aktuelnostima;
- da sudjeluje u aktivnostima SD9 organizacije;
- da ostvaruje druga prava i izvršava obaveze u skladu sa ovim Statutom i odlukama donesenim na osnovu Statuta.

Član 8

Članice SD9 organizacije su dužne da redovno plaćaju godišnju članarinu u iznosu do 200 eura, a tačnu visinu članarine određuje Kongres.

Član 9

Finansijskim sredstvima upravlja Generalni Sekretar/ka uz nadzor Stalnog Odbora.

Član 10

Članstvo u SD9 prestaje:

- istupanjem iz članstva SD9 organizacije (pismenom izjavom)
- isključivanjem (odlukom Kongresa na prijedlog najmanje četiri organizacije članice SD9 organizacije)

Član 11

Članica SD9 organizacije prelazi u pasivno članstvo u slučaju kršenja Statuta SD9 i Programa SD9, usvojenih rezolucija, neplaćanja članarine.

Član 12

Za odlučivanje u prelazak SD9 članice u pasivno članstvo potrebna je 2/3 većina svih organizacija članica.

Član 13

Pasivna članica prelazi u aktivno članstvo SD9 organizacije odlukom Kongresa 2/3 većinom svih organizacija članica.

Član 14

Organizacija koja je prešla u pasivno članstvo nema pravo glasa i ne ubraja se u kvorum od trenutka prelaska u pasivno članstvo.

ORGANI SD9 ORGANIZACIJE

Član 15

Organi SD9 su:

- Kongres SD9;
- Stalni Odbor;
- Generalni Sekretar/ka;

Član 16

Kongres je najviši organ odlučivanja u SD9 organizaciji. Kongres sačinjavaju delegacije svih organizacija članica. Delegaciju čine tri osobe(dvije osobe koje delegira nadležan organ svake organizacije članice i SD9 koordinator/ka. Kod biranja delegacija mora se poštovati jednaka zastupljenost oba pola. Svaka organizacija koja je članica SD9 organizacije ima jedan glas.

Član 17

Kongres SD9 organizacije se održava jedanput godišnje. Kongres saziva, priprema i predsjedava Generalni Sekretar/ka u saradnji sa organizacijom članicom koja je izabrana da bude domaćin Kongresa.

Član 18

Kongres saziva Generalni/a Sekretar/ka dva mjeseca prije njegovog održavanja. Plan rada i prijedlozi dokumenata članicama SD9 organizacije dostavlja Generalni/a Sekretar/ka 15 dana prije održavanja Kongresa.

U koliko Generalni/a Sekretar/ka ne sazove Kongres u predviđenom terminu, Stalni Odbor je dužan da ga sazove u roku od dva mjeseca nakon isteka predviđenog roka.

Član 19

Kongres punopravno odlučuje ako je prisutna 2/3 većina svih članica SD9 organizacije.

Član 20

Kongres SD9 organizacije nadležan je da:

- konsenzusom donosi i mijenja Statut i Program SD9 organizacije;
- konsenzusom donosi odluku o primanju u punopravno članstvo u SD9 organizaciju;
- 2/3 većinom donosi odluku o isključivanju iz članstva iz SD9 organizacije;
- običnom većinom bira Generalnog/u Sekretara/ku.

Član 21

Stalni Odbor SD9 čine po jedan/a SD9 koordinator/ka punopravne članice SD9 organizacije.

Član 22

Stalni Odbor donosi:

- odluku 2/3 većinom glasova o prelasku punopravne članice SD9 organizacije u pasivno članstvo zbog kršenja člana 10 ovog Statuta;
- običnom većinom glasova donosi odluke, projekte i rezolucije.

Član 23

Kvorum za donošenje odluka u svim organima SD9 organizacije je 50% + 1 organizacija.

Član 24

Generalni/a Sekretar/ka:

- saziva, priprema i predstavlja Kongresom SD9 organizacije;
- saziva i rukovodi Stalnim Odborom SD9 organizacije;
- koordinira aktivnostima SD9 organizacije;
- nema pravo glasa osim ako u isto vrijeme nije SD9 koordinator/ka neke od organizacija članica.

IV OPUNOMOĆENJE

Član 25

Za svaki saziv Kongresa SD9 organizacije, članice SD9 organizacije moraju svojim predstavicima/ama napismeno potvrditi mandat za zastupanje svoje organizacije na Kongresu.

Za sastanke Stalnog Odbora mora se pismeno potvrditi mandat svom predstavniku/ ici ukoliko on/ona nije SD9 koordinator/ka ili njegova/njena zamjenik/ca.

V PRIJELAZNE I ZAVRŠNE ODREDBE

Član 26

Etički Kodeks SD9 organizacije je sastavni dio Statuta SD9 organizacije.

Član 27

Statut stupa na snagu danom donošenja u Sarajevu, 14. maja 2010. godine.

Član 28

Izmjene i dopune Statuta SD9 organizacije stupaju na snagu danom donošenja.